



**Clavis Aurea Thesauri Partheno-Carmelitici, Sive
Dissertatio Historico-Theologica, Referans atque
Exponens Antiquitatem & originem, confirmationem ac
propagationem, beneficia ac privilegia, gratias & ...**

Paulus <Ab Omnibus Sanctis>

Viennæ Austriæ, 1669

V. Quænam in erectione Confraternitatis nostræ observanda sint?

[urn:nbn:de:hbz:466:1-64293](#)

CAPUT V.

*Quanam in erectione Confraternitatis nostra ob-
servanda sint?*

495.



UATUOR præcipue in cuiuscunque Confraternitatis institutione legitima requirit CLEMENS VIII. ut supra Cap. I. vidimus. I. CONSENSUM Ordinarij loci in quo erigenda est Confraternitas. Cujus etiâ penes habere debet literas testimoniales P. Generalis; quibus erigende & instituendæ Confraternitatis commendetur pietas, Christianæ charitatis exercitia, quæ in ea frequentanda erunt.

II. UNICA M duntaxat in singulis Ecclesijs erigi voluit. Adjunxit sacra Congregatio indulgentiarum moderatrix, ne quidem in eodem loco ad tria millaria aliam similem erigi posse: in quantum distantia, juxta ejusdem Congregationis declarationem, Superior erigendi, instituendique obtinens potestatem, iussis de causis, & ab Ordinario loci probatis, dispensare valet; ut habetur in Constitutionibus Ordinis anni 1625. 4. Part. Cap. 28. & nos diximus supra num. 446.

III. IN LITERIS erectionis seu institutionis Confraternitatis, instituens ea tantum privilegia, indulgentias, facultates, aliasque spirituales gratias, & indulcta, quæ ipsi Ordini seu Confraternitati nominatim, & in specie, non autem, quæ per extensionem vel communicationem, quovis modo concessa sunt: & illa quidem non sub generali forma verborum, vel ad instar, sed expresse & in specie exprimenda sunt. Unde, inquit Lezana, prædicti institutores Confraternitatum non possunt dicere: *Communicamus huic Confraternitati omnes gratias, privilegia, indulgentias &c. quæ tali Ordini, aut Confraternitati sunt concessæ, aut quibus per communicationem poritur;* sed debent dicere: *Communicamus tales, & tales gratias, indulgentias &c. Ordini vel Confraternitati nostris concessas, &c.* ita ille Tom. 2. qq. Reg. Cap. 15. num. 10.

IV. DECERNIT, ut præfati Confraternitatum institutores, seu aggregatores in erectione, seu aggregatione ipsarum observent formulam à se novissimè approbatam, & secundum ipsam privilegia & indulgentias illis communicent nominatim & distinctè, ut supra dictum est. Quæ autem, & qualiem sit isti Formula, de qua loquitor Pontifex,

refcire non potuisse asserit Lezana n. 13. veruntamen Flav. Cherub. in Compend. Bullar. super dictā CLEMENTIS VIII. Bullam n. 115. formulam quandam refert, quām in usu esse affirmat. Ea autem solū pro aggregatione Confraternitatum, non pro institutione facta videtur; et si ex illa colligere sit, qualis esse debeat ea, quām pro institutione Confraternitatum institutores adhibere debent.

Verūm quid quid sit de formula Cherubini, eam hic subjungere juvat, quām à sacra Congregatione acceptam, Theod. Stratius suo inseruit de Confraternitate libro, cum ejusdem Congregationis decreto, quod est hujusmodi.

Decretum sacræ Congregationis.

Formulam hanc Confraternitatis instituendi, & indulgentias communi-
candi à felicis recordatione CLEMENTE VIII. prescriptam, & in Congrega-
tione illustrissimorum Cardinalium reformationi Indulgentiarum prepositorum
nuper recognitam, Religionis Carmelitana Superiori tradimus, ut illa in insli-
tuendis, confirmandis Confraternitatibus, ac Indulgencis & gratijs, quas à
sanctiss. D. nostro PAVLO V. obtinuit, communicandi utatur, eamq; in proprio
statutorum libro describi cureret. In quorum testimonium nostra manu subscripsi-
mus, & proprio Sigillo muniri jussimus. Datum Romæ 17. Maij an. 1606.

CARDINALIS S. CÆCILIAE.

Forma Literarum pro erectione Confraternitatis.

F. N. Ordinis beatiss. Virg. MARIÆ de monte Carmelo
Generalis.

Universis presentes Literas inspecturis, Salutem in Do-
mino sempiternam.

Cum inter alia Privilegia, quibus à sancta Sede Apostolica
Religio nostra decorata est, facultatem habeat, Secularium Con-
fraternitates erigendi sub invocatione glorioiss. Virg. MARIAE
de monte Carmelo, eisq; spirituales gratias, privilegia & in-
dulgentias communicandi; in hujusmodi Confraternitatibus in-
stituendis, si ad Christi Fidelium salutem promovendam expe-
dire animadverterit, liberalem sese præbere consuevit.

NOS igitur, qui generalem totius Ordinis curam gerimus,
perantes fore, ut ex hac spiritualium gratiarum participatione

Z Z Z

Christi

496.

546 *Dissertat. Historico-Theolog. P. VIII. Cap. V.*
Christi Fideles ad devotionem & pietatem magis excitentur, au-
thoritate nobis à summis Pontificibus concessa, Confraternita-
tem sacri Scapularis B. MARIAE de monte CARMELO, in Eccle-
sia N. loci N. Diaecesis N. de consensu Ordinarij loci, qui ejusdem
Confraternitatis institutum, pietatem ac Religionem literis pa-
tentibus nobis nuper exhibitis commendavit: dummodo tamen
alia similis in ipso, vel alio ad tria millaria propinquo loco, ba-
etenus erecta non fuerit, per presentes nostras Literas erigimus,
& instituimus, illiq. & pro tempore existentibus utriusq. sexu
Confratribus clargimur, & communicamus indulgentias, pri-
vilegia & spirituales gratiss., singillatim inferius descripti
nostrae Confraternitati nominatim & expressè concessas, per Bre-
vem sanctissimi Domini nostri PAVLI V. tenoriū sequentis.

P AVLVIS V. ad perpetuam rei memoriam.

Cum certas unicuiq. Ec. (Describenda est hic integrè hæc, &
duæ aliæ ejusdem Pontificis Bullæ, à nobis supra IV. Parte Capite 4.
relatae) quibus omnibus indulgentijs, & spiritualibus gratijs
descriptis, Confraternitatem ipsam nunc erectam, ejusq. Con-
fratres potiri & gaudere posse decernimus, juxta felic. recordat.
CLEMENTIS Papa VIII. Constitutionem sequentem,

CLEMENS Papa VIII. ad perpetuam Ec.

Quocunq. à Sede Apostolica Ec. [Describatur integra hæc
Pontifícia Constitutio, quam habes supra Cap. I. hujus VIII. Parte.]

In quorum testimonium has Literas fieri, & per nostrum
Secretarium subscribi, & publicari mandavimus, sfilloq. Offi-
cij nostri muniri. Dat. Ec.

497.

Concio
habenda
in erectio-
ne Confra-
ternitatis,
& quæ po-
tissimum
in illa sint
exponen-
da?

VENERAB. P. Thomas à JESU lib. 2. de Confraternitate
B. MARIAE Virg. de monte CARMELO Cap. ultimo, ponit Hispano
idiomate formulam, tum instituendi, tum confirmandi ins-
titutam Confraternitatem, qui etiam alia quædam tradit observanda in
errectione Confraternitatis nostræ, extra nostros præsentim Conven-
tus. Dicit namq; habendam esse Concionem ab aliquo Ordinis Re-
ligioso, ipso institutionis die, de antiquitate, excellentijs, præ-
gativis, beneficijs, indulgentijs & privilegijs, planè eximijs, singu-
ribusque

ribusq; ipsius Confraternitatis. Breviter quoque in hoc sermone exponenda sunt Confratribus munia, obligationesq; hujus Sodalitij, saltem præcipuae, magisque necessariae, remittendo illos pro pleniori cæterarum notitia ad libros de hoc argumento editos.

Secundo advertit, quod sicut in quolibet Conventu Ordinis debet esse liber, in quo Sodalium nomina adscribantur, ita etiam in Oppidis, seu locis alijs, in quibus licet non sit aliquod nostrum Monasterium, nihilominus erecta, institutaque est hæc Confraternitas, debet esse liber, in quem referantur Confratrum nomina: qui sub anni ejuslibet finem ad vicinorem Conventum nostrum deferendus est, ut ex eo Confratrum illo anno receptorum nomina transcribantur in libro prædicto Conventus &c. vel saltem descripta ex eo nomina Sodalium illius anni transmittenda, ut fiat quod dictum est.

Tertio, ad eundem Conventum deferenda esse, dicit idem Author, Scapularia, ut à Prælato, vel deputato ab eo Religioso Sacerdote benedicantur; nisi illius loci, in quo erecta est Confraternitas, Parocho, aut alteri Presbytero facultas benedicendi delegata esset. quod non facile concedendum esse, asserit.

Quarto, COMPENDIUM indulgentiarum omnium, Confratribus conciliarum, in folio patenti recusum, aut pulchriori, majorique charactere descriptum, appendendum esse in Ecclesia, seu Sacello Confraternitatis; adjunctis conditionibus, pro illarum lucro requisitis. In limine vero hujus Tabulae, seu Compendij apponendam esse dicit imaginem Confraternitatis, seu DEIPARÆ Virginis, sua intercessione, Confratrum animas ē purgatoriis flammis eripientis.

Quintò, In calce huius Compendij (*inquit Cap. 6.*) subjungenda esse statuta, si quæ fortè (ut nonnunquam fieri consuevit) ab Ordinis Prælato, seu Confraternitatis institutore pro ipsa condita sint. Nonnulla similia statuta E. G. ipse adducit: quorum *primum* est, quod omnis status, conditionisq; homines admitti queant ad hoc Sodalitum &c. Circa hoc tamen statutum recolendum, seduloq; observandum est id, quod supra VI. Parte Cap. 4. n. 363. monuimus. II. Quod nullus admittatur, aut sacrum Scapulare cuiquam conferatur, nisi prævia confessione sacram Eucharistiam repererit: quæ pro indulgentia plenaria consequenda, Confratribus pro ingressu Sodalitij indulta, necessaria sunt. III. Quod Confratres omnes in cunctis festiis

Liber in quo Confratrum nomina describantur adesse debet,

A quo benedicenda Scapularia si in alienis sit Ecclesijs erecta Confraternitas

498.
Compendium indulgentiarum in Confraternitatis Oratorio seu Templo appendendum. Illi statuta subjungenda.

diebus sanctissimæ Virginis MARIAE: S. JOSEPH quoque ac S. AN^{NA}Æ sacram Synaxim piè accedant. Alia quædam similia statuta, pud ipsum videri poterunt.

499.

Et aliorum Pontificū privilegia & indulgentiæ, modo sint certæ & nō dubiæ.

Confratres gaudent indulgentijs per communicationem si bi concessis.

ADVERTENDUM quoque est circa suprà adductam formam, quod in literis institutionis pariter describi debeant aliorum Pontificum privilegia atque indulgentiæ, secundum temporum se-
em, si quas alij Pontificis Confraternitati concessere, modo tene-
sint ac securæ: quod enim supra PAULUS V. solùm expressus fu-
rit, sit in exemplum, non verò, ut ceteri (si qui alij sint) exclu-
dantur. Dubia autem inseri & CLEMENS VIII. inhibuit, & ipsa
rei natura evitandum docet. Alia privatim explicari, etiæ erudi-
onis literis minimè comprehensa, veritum haud puto.

Tandem animadvertisendum est, Confratres omnes gaudere alijs sibi per communicationem concessis (si quæ sint ejusmodi) gratijs, etiæ institutionis literis, non sunt compræhensæ. Ita Lezani Tom. 2. qq. Regul. cap. 15. num. 11. & cum illo Irenæus Capit. 3. ss. 3. s. 2.

CAPUT VI.

*Quibus competit Confratres admittere, SCAPV-
LARE benedicere ac distribuere?*

500.

Vide etiā Constitu-
tion. ann.
1645. pro
reformatis
Conventi-
bus ex de-
creto Ca-
pituli Ge-
neralis 3.
Part. Cap,
18. n. 15.

 Iversam circa hoc munus reperio primum, ac leges apud Calceatos atque Discalceatos Carmelitas: apud illos nimirum Ordinis Generalis pro tota Ecclesia, ac Provinciales pro suis Provincijs, possunt tum per se, tum per alios à se deputaros, habitum benedicere & distribuere: Priors verò locales possunt quidem id facere per seipson, non tamen alijs delegare: hanc facultatem. Ita statuunt hac de re propriæ illorum Constitutiones anni 1625. 4. Part. C. 28. n. 7. quæ sic habent: Superior autem, qui potest benedicere habitum, & conferre, atque sodales recipere, quæ potest hanc facultatem delegare, est Pater Reverendissimus Ordinis pro tota Ecclesia: & Priors Provinciales intra limites suarum Provinciarum: Priors verò locales poterunt quidem ipse potentibus SCAPVLARE benedictum concedere, eos in sodalitatem recipere; nolumus tamen, ut hanc facultatem valeant.

COMITI